



«03» Նոյեմբերի 2022թ.

ք. Երևան

Որոշում N 1949

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Հայաստանի Հանրապետության առողջապահական և աշխատանքի տեսչական մարմնի (այսուհետ՝ Տեսչական մարմին) Երևան քաղաքի տարածքային կենտրոնի պետ Գագիկ Գրիգորյանս՝ ուսումնասիրելով.

1. Տեսչական մարմնի ղեկավարի 2022 թվականի օգոստոսի 17-ի N 22040243 հանձնարարագիրը՝ ՀՀ, Արարատի մարզ, Արտաշատ, Արտաշատի խճ. / Շ / 24 հասցեում գործունեություն իրականացնող ««ՆՕԿԻ» ՀԱՅ-ԱՄԵՐԻԿԱ-ԳԵՐՄԱՆԱԿԱՆ ՀԱՄԱՏԵՂ ԴԵՂԱԳՈՐԾԱԿԱՆ ՋԵՌՆԱՐԿՈՒԹՅՈՒՆ» սահմանափակ պատասխանատվությամբ ընկերությունում (այսուհետ՝ Ընկերություն, պետական գրանցման համարը՝ 264.110.02428, ՀՎՀՀ՝ 00019986,) 2022 թվականի հունիսի 09-ի թիվ 22040243 հանձնարարականով (կարգադրագիր) նշված հարցերի թեմատիկ վերստուգում իրականացնելու մասին,

2. 2022 թվականի օգոստոսի 24-ի թիվ 01/14880-2022 ՀՀ առողջապահության նախարարություն հասցեագրված գրությունը,

3. 2022 թվականի օգոստոսի 24-ի թիվ 02/14867-2022 ՀՀ ՊԵԿ հասցեագրված գրությունը,



4. 2022 թվականի օգոստոսի 30-ի ՀՀ առողջապահության նախարարության կողմից տրված թիվ ԱԱ/22.1/21060-2022 գրությունը,

5. 2022 թվականի օգոստոսի 31-ի ՀՀ ՊԵԿ-ի կողմից տրված թիվ 01/71-6/62368-2022 գրությունը,

6. 2022 թվականի սեպտեմբերի 6-ի թիվ 22040243 վերստուգման ակտի նախագիծը,

7. 2022 թվականի սեպտեմբերի 26-ի վարչական իրավախախտումների վերաբերյալ արձանագրության կազմմանը հրավիրելու մասին թիվ 13/17033-2022 ծանուցագիրը,

8. 2022 թվականի հոկտեմբերի 10-ի թիվ 22040243 վերստուգման ակտը,

9. 2022 թվականի հոկտեմբերի 11-ի վարչական իրավախախտումների վերաբերյալ արձանագրության կազմմանը հրավիրելու մասին թիվ 13/17930-2022 ծանուցագիրը,


10. 2022 թվականի հոկտեմբերի 20-ի վարչական իրավախախտումների վերաբերյալ թիվ 1696 արձանագրությունը,

11. 2022 թվականի հոկտեմբերի 20-ի վարչական իրավախախտումների վերաբերյալ գործի քննությանը մասնակցելու վերաբերյալ թիվ 13/18548-2022 ծանուցումը,

Պարզեցի

1. Նկարագրական մաս

Հիմք ընդունելով «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2-րդ հոդվածի 1-ին մասը, 3-րդ հոդվածի 2-րդ մասը, «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 5-րդ հոդվածը, ՀՀ



ՀՀ ԱՌՈՂՋԱԿԱԽԱՆԻ ԻՆՍՊԵԿՏՈՐ
ՏԵԼԵԿՈՐԱԿՆԵՐԻ
ՍԵՐՎԻՍԻ
HEALTH AND LABOR INSPECTION BODY
OF THE REPUBLIC OF ARMENIA

0047 22 ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlhb.am
www.hlhb.am
Թեմ գհծ 8107

առողջապահական և աշխատանքի տեսչական մարմնի ղեկավարի 2022 թվականի օգոստոսի 17-ի թիվ 22040243 հանձնարարագրի հիման «ՆՕԿԻ» ՀԱՅ-ԱՄԵՐԻԿԱ-ԳԵՐՄԱՆԱԿԱՆ ՀԱՄԱՏԵՂ ԴԵՂԱԳՈՐԾԱԿԱՆ ԶԵՌՆԱՐԿՈՒԹՅՈՒՆ» սահմանափակ պատասխանատվությամբ ընկերությունում (այսուհետ՝ Ընկերություն, պետական գրանցման համարը՝ 264.110.02428, ՀՎՀՀ՝ 00019986, գրանցման հասցե՝ Արարատի մարզ, Արտաշատ, Արտաշատի խճ. / Շ / 24) մասնակցությամբ Ընկերության տնօրեն Հերյեր Արշալույսի Խոսրավյանի, դեղերի շրջանառության ոլորտը կանոնակարգող Հայաստանի Հանրապետության օրենքների և այլ իրավական ակտերի պահանջների պահպանման փաստը պարզելու նպատակով՝ համաձայն Հայաստանի Հանրապետության կառավարության 2020 թվականի ապրիլի 30-ի թիվ 718-Ն որոշմամբ հաստատված N2 հավելվածի՝ «Դեղերի, դեղանյութերի, հետազոտվող դեղագործական արտադրանքի արտադրություն Դեղերի շրջանառության և դեղագործական գործունեության բնագավառի վերահսկողության» (ՏԳՏԴ ծածկագիր՝ C21) N 2.2 ստուգաթերթով (այսուհետ՝ Ստուգաթերթ) 2022 թվականի օգոստոսի 23-ից մինչև սեպտեմբերի 05-ը իրականացվել է վերստուգում:

Ուսումնասիրվել են վերստուգմանը առնչվող հետևյալ փաստաթղթերը՝ Ընկերության տնօրենի կողմից 23.08.2022թ. ՊԱԳ հավաստագրի վերաբերյալ տրված բացատրությունը, դեղերի արտադրության վերաբերյալ գրությունը՝ կից հաշվետվությամբ, 2022 թվականի օգոստոսի 24-ի թիվ 01/14880-2022 ՀՀ առողջապահության նախարարություն և թիվ 02/14867-2022 ՀՀ ՊԵԿ հասցեագրված գրությունները, 2022 թվականի օգոստոսի 30-ի ՀՀ առողջապահության նախարարության կողմից տրված թիվ ԱԱ/22.1/21060-2022 գրությունը, 2022 թվականի օգոստոսի 31-ի ՀՀ ՊԵԿ-ի կողմից տրված թիվ 01/71-6/62368-2022 գրությունը և Ընկերության տնօրենի կողմից 02.09.2022թ. դեղերի արտադրության և իրացման վերաբերյալ տրված բացատրությունը:

Արդյունքում պարզ է դարձել, որ «ՆՕԿԻ» ՀԱՅ-ԱՄԵՐԻԿԱ-ԳԵՐՄԱՆԱԿԱՆ համատեղ դեղագործական ձեռնարկություն» ՍՊ ընկերությունը՝ չունենալով «Պատշաճ արտադրական գործունեության» հավաստագիր, իրականացրել է դեղերի արտադրություն և դեղերի մեծածախ իրացում, որով խախտվել է «Դեղերի մասին» ՀՀ օրենքի 18-րդ հոդվածի 4-րդ մասի պահանջը (ստուգաթերթ 2.2-ի 3-րդ կետ):

Հաշվի առնելով վերոգրյալը՝ ««ՆՕԿԻ» ՀԱՅ-ԱՄԵՐԻԿԱ-ԳԵՐՄԱՆԱԿԱՆ ՀԱՄԱՏԵՂ ԴԵՂԱԳՈՐԾԱԿԱՆ ՁԵՌՆԱՐԿՈՒԹՅՈՒՆ» ՍՊ ընկերության կողմից չի կատարվել ՀՀ առողջապահական և աշխատանքի տեսչական մարմնի ղեկավարի 2022 թվականի հունիսի 09-ի թիվ 22040243 խախտումների և թերությունների վերացման հանձնարարականի (Կարգադրագիր) 1-ին կետի պահանջը:

Ընկերության տնօրեն Հերյեր Արշալույսի Խոսրավյանին պատշաճ փոստային եղանակով երկու անգամ ուղարկվել է 26.09.2022թ. թիվ 13/17033-2022 և 11.10.2022թ. թիվ 13/17930-2022 վարչական իրավախախտումների վերաբերյալ արձանագրության կազմմանը ներկայանալու վերաբերյալ ծանուցագրերը (փոստային առաքանիներ՝ LO105795264AM, LO106040274AM), սակայն փոստային առաքմամբ պատշաճ ծանուցել չի հաջողվել, այդ պատճառով Ընկերության տնօրենը պատշաճ ծանուցվել է Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով, սակայն Ընկերության տնօրեն Հերյեր Արշալույսի Խոսրավյանը կամ իր կողմից լիազորված որևէ անձ չի ներկայացել:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը՝ 2022 թվականի հոկտեմբերի 20-ին կազմվել է վարչական իրավախախտումների վերաբերյալ N 1696 արձանագրությունը, որը 20.10.2022թ.-ի թիվ 13/18548-2022 վարչական իրավախախտումների վերաբերյալ գործի քննության ծանուցագրի հետ ուղարկվել է պատվիրված նամակով (փոստային առաքանի՝ LO106197961AM 21.10.2022թ.) Ընկերության տնօրեն Հերյեր Արշալույսի Խոսրավյանին: Քանի որ վերոնշյալ փաստաթղթերը փոստային առաքմամբ պատշաճ



ՀՀ ԱՊՈՂԱՆԻՍՏԱԿԱՆ և ԼԱԲՈՐԱՆՏԻ ՑԵՆՏՐԱԼ ԻՍՊԵԿՏԻԱ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ ք. Երևան, Լոռք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlhb.am
www.hlhb.am
Թեժ գիծ 8107

ծանուցել չի հաջողվել, այդ պատճառով Ընկերության տնօրենը պատշաճ ծանուցվել է Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով:

Տեսչական մարմնի Երևան քաղաքի տարածքային կենտրոնում (քաղաք Երևան, Սայաթ-Նովա պողոտա 2Ա) 2022 թվականի նոյեմբերի 03-ին ժամը 11:00-ին տեղի է ունեցել վարչական իրավախախտումների վերաբերյալ գործի քննություն, որին Ընկերության տնօրեն Հերյեր Արշալույսի Խոսրովյանը կամ իր կողմից լիազորված որևէ անձ չէր ներկայացել: Ընկերության տնօրենի կամ նրա լիազորված անձի կողմից միջնորդություններ չէր ներկայացվել:

2. Պատճառաբանական մաս

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական մարմինը, հաստատված է համարում, որ Ընկերությունը՝ չունենալով «Պատշաճ արտադրական գործունեության» հավաստագիր, իրականացրել է դեղերի արտադրություն և դեղերի մեծածախ իրացում, որով խախտվել է «Դեղերի մասին» ՀՀ օրենքի 18-րդ հոդվածի 4-րդ մասի պահանջը (հիմք՝ Ընկերության տնօրենի կողմից տրված փաստաթղթերը՝ արտադրված դեղերի

վերաբերյալ և 2022 թվականի օգոստոսի 31-ի ՀՀ ՊԵԿ-ի կողմից տրված թիվ 01/71-6/62368-2022 գրությունը):

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է ««ՆՕԿԻ» ՀԱՅ-ԱՄԵՐԻԿԱ-ԳԵՐՄԱՆԱԿԱՆ ՀԱՄԱՏԵՂ ԴԵՂԱԳՈՐԾԱԿԱՆ ՁԵՌՆԱՐԿՈՒԹՅՈՒՆ» սահմանափակ պատասխանատվությամբ ընկերության տնօրեն Հերյեր Արշալույսի Խոսրավյանը (C73TGZP7Z, տրված 2017-10-17 Բոնն):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Ընկերության տնօրեն Հերյեր Արշալույսի Խոսրավյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ

կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք, այսինքն՝ Հերյեր Արշալույսի Խոսրավյանը (C73TGZP7Z, տրված 2017-10-17 Բոնն) կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Հերյեր Արշալույսի Խոսրավյանը (C73TGZP7Z, տրված 2017-10-17 Բոնն) ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես ««ՆՕԿԻ» ՀԱՅ-ԱՄԵՐԻԿԱ-ԳԵՐՄԱՆԱԿԱՆ ՀԱՄԱՏԵՂ ԴԵՂԱԳՈՐԾԱԿԱՆ ՁԵՌՆԱՐԿՈՒԹՅՈՒՆ» սահմանափակ պատասխանատվությամբ ընկերության տնօրեն՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 42.1 հոդվածի 1-ին մասի համաձայն՝ Առողջապահության ոլորտում և աշխատանքային օրենսդրության նկատմամբ վերահսկողություն իրականացնող տեսչական մարմնի (այսուհետ՝ տեսչական մարմին) պաշտոնատար անձանց հանձնարարականները



ՀՀ ԱՌՈՂՋԱԿԱՅԻՆ ԵՎ ԼԱԲՈՐԱՆՔԻ
ՏԵՇՉԱԿԱՆ ԿՈՐԹՈՒՄ
HEALTH AND LABOR INSPECTION BODY
OF THE REPUBLIC OF ARMENIA

0047 22.թ. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ զիժ՝ 8107

չկատարելը առաջացնում է տուգանքի նշանակում պաշտոնատար անձանց նկատմամբ՝ ութսունապատիկի չափով:

3.Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230, 279, 281, 283-րդ հոդվածներով և 282-րդ հոդվածի 1-ին մասի 1-ին կետով՝


Որոշեցի

1. Հերյեր Արշալույսի Խոսրավյանին (C73TGZP7Z, տրված 2017-10-17 Բոնն)՝ որպես խախտում թույլ տված անձ, ՀՀ առողջապահական և աշխատանքի տեսչական մարմնի ղեկավարի 2022 թվականի հունիսի 09-ի թիվ 22040243 խախտումների և թերությունների վերացման հանձնարարականով (Կարգադրագիր) տրված 1-ին կետի պահանջը չկատարելու համար, «Վարչական իրավախախտումների վերաբերյալ» ՀՀ օրենսգրքի 42.1 հոդվածի 1-ի մասով ենթարկել վարչական տույժի սահմանված նվազագույն աշխատավարձի ութսունապատիկի չափով՝ 80.000 (ութսուն հազար) ՀՀ դրամ վարչական տուգանքի:

2. Սույն որոշումը ծանուցել Հերյեր Արշալույսի Խոսրավյանին՝ ՀՀ, ք.Երևան, Արաբկիր, Կիկյան փ. / 62. / 8 բն. և Արարատի մարզ, Արտաշատ, Արտաշատի խճ. / Շ / 24 հասցեներով:

3. Սույն վարչական ակտն ուժի մեջ է մտնում վարչական վարույթի մասնակիցներին իրազեկելու հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական



դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

Շնորհակալություն համագործակցության համար,

ՀՀ ԱԱՏՄ ԵՐԵՎԱՆ ՔԱՂԱՔԻ
ՏԱՐԱԾՔԱՅԻՆ ԿԵՆՏՐՈՆԻ ՊԵՏ՝

03.11.2022

X 

ԳԱԳԻԿ ԳՐԻԳՈՐՅԱՆ

Signed by: GRIGORYAN GAGIK 1903670195

ԳԱԳԻԿ ԳՐԻԳՈՐՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունից հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N 900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում


Նշում որոշումը պատվիրված փոստով ուղարկելու և ստանալու ծանուցման մասին



ՀՀ ԱՌՈՂՋԱԿԱՆ ԵՎ ԱՇԽԱՏԱՆԵՐԻ
ՏԵՍՉԱԿԱՆ ԿԵՆՏՐՈՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, Երևան, Նոր-Մարտ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ զիծ՝ 8107

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ
ծանուցագրի համարը)



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՑԻԳՆԱԿԱՆ ԱՌԱՐԴՈՒԹՅԱՆ
ՍԵՐՎԻՍԻՆԻ ՍԵՐՎԻՍԻՆԻ
ՍԵՐՎԻՍԻՆԻ ՍԵՐՎԻՍԻՆԻ
HEALTH AND LABOR INSPECTION BODY
OF THE REPUBLIC OF ARMENIA

0047/22 ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlhb.am
www.hlhb.am
Թեմ գիծ 8107